

# Advokat - Lawyer Sipović Mirsad

URED-OFFICE: BOSNA I HERCEGOVINA, 71000 SARAJEVO  
Šenoina 6/IV, Tel./Fax: ++ 387 (0)33 225-811

**KANTONALNI SUD U SARAJEVU**  
Predmet broj: 65 0 P 582490 16 Gž  
**SUDSKO ŽALBENO VIJEĆE**  
Sudija Svjetlana Milišić-Veličkovski  
Sudija Sanela Kovač-Grabonjić  
Sudija Dubravka Krajišnik  
Šef Građanskog odjeljenja

**OPĆINSKI SUD U SARAJEVU**  
Parnica broj: 65 0 P 582490 16 P

Sudija Bahtović Aida  
Parnica broj: 65 0 Rs 363016 13 Rs  
Sudija Hadžiomerađić Dženana



Naš broj: 2348/16  
Sarajevo, 04.07.2017.

## DOSTAVLJA SE NA UPOZNAVANJE NADLEŽNIM DOMAĆIM I MEĐUNARODNIM INSTITUCIJAMA

**KANTONALNI SUD U SARAJEVU**  
Predsjednika Jahjaefendić Jasmin  
Zamjenik predsjednika Špoljarić Vladimir  
Ul. Šenoina br. 1, 71 000 Sarajevo

**INSTITUCIJA OMBUDSMENA ZA LJUDSKA PRAVA BOSNE I HERCEGOVINE**  
Ul. Grbavička br. 4, 71 000 Sarajevo

**OPĆINSKI SUD U SARAJEVU**  
Predsjednik Jovanović Janja  
Ul. Šenoina br. 1, 71 000 Sarajevo

**UREDU OSCE BIH**  
Šef misije Jonathan Moore  
Ul. Fra Anđela Zvizdovića br.1, 71 000 Sarajevo

**VISOKO SUDSKO TUŽILAČKO VIJEĆE BOSNE I HERCEGOVINE**  
Predsjednik VSTV BiH Tegeltija Milan  
Ul. Kraljice Jelene br. 88, 71 000 Sarajevo

**PREDSTAVNIŠTVU EVROPSKE KOMISIJE uBIH**  
Šef misije Lars-Gunar Vigemark  
Ul. Skenderija br. 3a, 71 000 Sarajevo

**USTAVNI SUD BOSNE I HERCEGOVINE**  
Ul. Reisa Dž. Čauševića br. 6/III, 71 000 Sarajevo

**UREDOHR**  
-Visoki predstavnik međunarodne zajednice za BiH Valentin Inzko  
Ul. Emerika Bluma br. 1, 71 000 Sarajevo

**UDRUŽENJE SUDIJA FEDERACIJE BIH**  
Ul. Valtera Perića br. 15, 71 000 Sarajevo

**Vijeće za provedbu mira u BiH (PIC)**  
Ambasadama država član. Upravnog odbora  
Ul. Emerika Bluma br. 1, 71 000 Sarajevo

**ADVOKAT SIPOVIĆ MIRSAD**, iz Sarajeva, ul. Šenoina br. 6/IV, ex Poslanik u Predstavničkom domu Parlamentarne skupštine Bosne i Hercegovine, ex Podpredsjednik Advokatske komore Federacije BiH, i ex član Upravnog odbora AKFBIH i aktuelni delegat Skupštine AK F BiH i aktuelni Podpredsjednik Regionalne advokatske komore Sarajevo, u skladu sa članom II/3 h) Ustava Bosne i Hercegovine, članom 10 Evropske konvencije o zaštiti temeljnih ljudskih prava i sloboda, članom 19 Opće deklaracije o ljudskim pravima UN-a, članom 19 Međunarodnog pakta o građanskim i političkim pravima, u okviru svoje slobode izražavanja, iznosi svoj stav i mišljenje, **upućuje**


### POHVALE I ZAHVALNOST

**ZA PROFESIONALNO, EFIKASNO, ZAKONITO I USTAVNO POSTUPANJE**

Predsjednika i sudija Općinskog suda u Sarajevu, Predsjednika i sudija Kantonalnog suda u Sarajevu i Institucije ombudsmena za ljudska prava u Bosni i Hercegovini

Ovo iz razloga što su pomenute institucije, u okviru svojih zakonskih i ustavnih ovlaštenja, prava i obaveza, u posljednjih godinu dana doprinijeli zaštiti zakonskih, ustavnih i temeljnih ljudskih prava njegovog klijenta građanina BiH-tužitelja Flamura Šlakija, koji je bio grubo diskriminiran po nacionalnoj osnovi iz oblasti radnih odnosa, a koji su doprinijeli hitnom rješavanju parničnih predmeta **te time potvrdili praktično funkcionisanje pravne države i vladavine prava u zaštiti njegovih zakonskih i ustavnih prava na pravično, fer, efikasno i pošteno suđenje**, kroz pravilno, zakonito, ustavno i efikasno rješavanje parničnih predmeta njegovog klijenta.

1. **Kantonalni sud u Sarajevu i to po sudskom žalbenom vijeće u sastavu Predsjednika vijeća sudije Svjetlane Milišić-Veličkovski i članova vijeća sudije Sanele Kovač-Grabonjić i sudije Dubravke Krajišnik**, su profesionalno i na efikasan način donijeli pravilno, zakonitog i ustavno Rješenje broj: 65 0 P 582490 16 GŽ od 07.06.2017.godine, u žalbenom predmetu, kojim je odbačena kao nedopuštena žalba tuženog KJP „Centar-Skenderija“ d.o.o. Sarajevo, te time spriječili dalju zloupotrebu procesnih prava tuženog u cilju odugovlačenja ove parnice.
2. **Općinski sud u Sarajevu po sudiji Bahtović Aidi**, koja je na profesionalan i efikasan način vodila parnični postupak, u kojem je donijela pravilno, zakonito i ustavno Rješenje broj: 65 0 P 582490 16 P od 28.10.2016.godine, kojim je odbijen kao neosnovan prigovor litispencije izjavljen od strane tuženog KJP „Centar-Skenderija“ d.o.o. Sarajevo, u parnici za naknadu materijalne štete zbog neizvršavanja sudske mjere osiguranja povratka na posao tužitelja-predlagatelja mjere Flamura Šlakija, te time spriječila dalju zloupotrebu procesnih prava tuženog u cilju odugovlačenja ove parnice.
3. **Općinski sud u Sarajevu po sudiji Hadžiomeragić Dženani**, koja je na profesionalan i efikasan način vodila parnični postupak u kojem je donijela pravilnu, zakonitu i ustavnu Presudu broj: 65 0 Rs 363016 13 Rs od 30.01.2017.godine, kojom je u najvećem dijelu usvojen tužbeni zahtjev tužitelja Flamura Šlakija za utvrđivanje postojanja diskriminacije iz oblasti radnog odnosa po nacionalnoj osnovi u proteklih 10 godina, te je tuženom poslodavcu KJP „Centar-Skenderija“ d.o.o. Sarajevo naložena isplata tužitelju pričinjene nematerijalne štete zbog onemogućavanja povratka na posao, u cilju zaštite njegove egzistencije kao bolesne i iznemogle starije osobe od 65 godina, kojem nije izvršena isplata plaća i doprinosa za ostvarivanje prava na penziju.
4. **Kantonalni sud u Sarajevu, po sudiji Zinaidi Mešković, članu sudskog vijeća**, koja je dala obećanje da će se hitno uzeti u rad i rješavanje žalbeni predmet broj: 65 0 Rs 363016 13 Rsž 3, u kojem su parnične stranke tužitelj i tuženi uložili žalbu na prednje navedenu Presudu prvostepenog Općinskog suda u Sarajevu broj: 65 0 Rs 363016 13 Rs od 30.01.2017.godine, a u cilju njenje pravomoćnosti i izvršnosti i rješavanja egzistencijalnih pitanja tužitelja Flamura Šlakija.
5. **Predsjednik Kantonalnog suda u Sarajevu Jahjaefendić Jasmin**, koji je uvažio upućenu pismenu molbu tužitelja Flamur Šlakija kao opravdanu, te u okviru svojih zakonskih i ustavnih ovlaštenja, prava i obaveza, urgirao da se hitno uzme u rad i rješavanje pomenutih prednje navedenih žalbenih parničnih predmeta.
6. **Predsjedniku Općinskog suda u Sarajevu Jovanović Janji**, koja je u više navrata u okviru svojih zakonskih i ustavnih ovlaštenja, prava i obaveza, urgirala da se hitno uzme u rad i rješavanje pomenutih prednje navedenih parničnih predmeta, kao i predmeti u izvršnom postupku koji su se



vodili kod tog suda u izvršavanju sudske mjere osiguranja vraćanja na posao tužitelja Flamura Šlakija.

7. **Institucija ombudsmena za ljudska prava u Bosni i Hercegovini**, koja je u okviru svojih ustavnih i zakonskih ovlaštenja, kao centralna institucija za zaštitu ljudskih prava i zabranu od diskriminacije, koja je prije 4 godine u provedenoj istrazi utvrdila da je prema tužitelju Flamur Šlakiju, kao Albancu, dipl.ecc., sa 35 godina rada u struci, grubo učinjena diskriminacija po nacionalnoj osnovi iz oblasti radnih odnosa, koju je učinio poslodavac KJP „Centar-Skenderija“ d.o.o. Sarajevo u proteklih 10 godina kada ga je zapošljavao na vremenski period sa prekidima od po mjesec i dva dana. Institucija ombudsmena je poslodavcu KJP „Centar-Skenderija“ d.o.o. Sarajevo preporučila da se tužitelju Flamuru Šlakiju uspostavi radno pravni status u okviru zakona, a istu preporuku je dala i Vladi i Skupštini Kantona Sarajevo, koja je osnivač i vlasnik tuženog KJP „Centar-Skenderija“ d.o.o. Sarajevo. Također je Institucija ombudsmena u protekle 4 godine u više navrata pismeno urgirala kod Općinskog suda u Sarajevu i Kantonalnog suda u Sarajevu da se pomenuti parnični predmeti, pokrenuti od strane tužitelja Flamura Šlakija, hitno uzmu u rad i rješavanje, a koji se odnose na zaštitu od diskriminacije iz oblasti radnih odnosa, te je urgirala kod izvršnog odjeljenja Općinskog suda u Sarajevu za provođenje donesene 3 sudske mjere za povratak na posao tužitelja kod tuženog KJP „Centar-Skenderija“ d.o.o. Sarajevo, koje taj poslodavac u cjelosti nije proveo.

Postupajući po upućenim pismenim urgencijama Institucije ombudsmena za ljudska prava u BiH, Predsjednika Općinskog suda u Sarajevu Jovanović Janje, Predsjednika Kantonalnog suda u Sarajevu Jahjaefendić Jasmina, sudija prvostepenog Općinskog suda u Sarajevu Hadžiomerađić Dženane i Bahtović Aide i sudija drugostepenog žalbenog Kantonalnog suda u Sarajevu Svjetlane Milišić-Veličkovski, Sanele Kovač-Grabonjić i Dubravke Krajišnik, nakon dužeg vođenja ranijeg parničnog postupka po podnesenoj tužbi građanina BiH Flamur Šlakija za diskriminaciju po nacionalnoj osnovi u oblasti radnih odnosa, koji je prije 4 godine pokrenuo parnicu protiv poslodavca KJP „Centar-Skenderija“ d.o.o. Sarajevo, koji ga je diskriminirao u proteklih 10 godina, **su u proteklih godinu dana doprinijeli u efikasnom rješavanju** njegovih parničnih predmeta u zaštiti njegovih zakonskih, ustavnih i temeljnih ljudskih prava, **što predstavlja svijetao primjer funkcionisanja pravne države i vladavine prava i vraćanje povjerenja u pravosudni sistem u Bosni i Hercegovini**, u okviru reforme pravosuđa, izgradnje evropskih standarda u pravosuđu i ispunjavanja uslova iz Poglavlja 23 i 24 Mape puta, ka ulasku Bosne i Hercegovine u Evropsku uniju i NATO.

Prednje navedeno efikasno, zakonito i ustavno postupanje Općinskog suda u Sarajevu, Kantonalnog suda u Sarajevu i Institucije ombudsmena za ljudska prava u BiH, je bilo u skladu sa odredbama člana 10 i 420 **Zakona o parničnom postupku FBiH**, odredbama člana 2, 7,12,13,24 **Zakona o zabrani diskriminacije u BiH**, odredaba člana I/2, II/2 i 3 tačka e) i k) i II/4 II/5, **Ustava Bosne i Hercegovine**, odredaba Amandmana V, Odjeljak II-o ljudskim pravima **Ustava Federacije BiH**, i to članova 1. 2. stav 1.tačka c),d),e) i k), člana 6 stav 1, člana 14 i 17 **Evropske konvencije za zaštitu ljudskih prava i temeljnih sloboda**, člana 1 Protokola broj 12, člana 1. Protokola broj 1 uz Evropsku konvenciju člana 7 i 17 **Opće deklaracije o ljudskim pravima UN-a** i člana 3 i 26 **Pakta o građanskim i političkim pravima**, kojim se garantuje funkcionisanje pravne države i vladavina prava, pravo na pravično i pošteno suđenje, fer i efikasno suđenje pred nepristrasnim sudom u razumnom roku, jednakost pred zakonom, zabrana zloupotrebe procesnih prava, zabrana diskriminacije po bilo kojem osnovu, te zaštita imovine i imovinskih prava, a koje odredbe Evropske konvencije i

međunarodnih dokumenata imaju ustavnu snagu i primarnu i direktnu primjenu i supremaciju - jaču pravnu snagu na svim zakonima u BiH kojim se krše ustavom zagarantovana temeljna ljudska prava, po kojoj je dužna država BiH i njeni entiteti, svi sudovi, vladini organi i nadležne javne institucije kao i pravna lica koja vrše da primjenjuju i pridržavaju se ljudskih prava i temeljnih sloboda.

Sa izrazima osobitog poštovanja !



ADVOKAT  
SIPOVIĆ MIRSAĐ

A handwritten signature in blue ink, appearing to read "Mirsad Sipović", written over the printed name.